



GONAGASLAŠ
GIELDA- JA GUOVLUDEPARTEMENTA

Preassadiedáhus

Nr.: 111/2002
Beaivi: 05.11.2002

Professor Kirsti Strøm Bull lea nammaduvvon davviriikkaid sámekonvenšuvnna barggu čállin

Gielda- ja guovludpartemeanta lea ovttasráđiid sámekonvenšuvnna boahteáigge jodiheadjiin, allariektejustitiarius Carsten Smith:in, nammadan dr. Kirsti Strøm Bull davviriikkaid sámekonvenšuvnna barggu čállin.

Professor Kirsti Strøm Bull lea miehtan váldit badjelassas dán doaimma.

Strøm Bull lea Oslo Universitehta láhkadieđaprofessor ja lea jodihan boazoláhkálávdegotti, mii diibmá ovddiid boazodoallolága rievdadusevttohusaid. Son lea maiddái Sámi vuoigatvuođalávdegotti lahttu, mii čielggada sámi vuoigatvuođaid čáziide ja eatnamiidda ja daid hálddašemi lulábealde Finnmárkku. Strøm Bull lea maiddái beallevirggis Sámi Instituhtas Guovdageainnus, gos son bargá vieruiduvvanrievttálaš gažaldagaiguin.

-Mun lea ilus go Strøm Bull lea váldán vuostái áššedovdijoavkku čállidoaimma. Su fágalaš duogáš, vásáhusat ja dat ahte son dovda sámi ealáhusaide ja sámi dilálašvuođaid ja gažaldagaid, lea mávssolaš dán barggus, dadjá Gielda- ja guovludpartemeantta stáhtačállin Anders Eira.

-Áššedovdijoavku álggaha iežas golmma jagi doaimma jahkemolsumis. Áššedovdijoavkku formála nammadeapmi dahkko sámeministariid ja sámeprimeanttaid oktasaščoahkkimis skábmamánu 13. beaivve Helssegis, dadjá Eira.